



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fragstück Des Christlichen Glaubens/ an die neue Sectische Predigkandten

Hay, John

Freyburg in der Eydgnoschaft, 1587

VD16 H 844

Die 97. Frag.

urn:nbn:de:hbz:466:1-32773

Die 96. Frag.

Sei der Pracht vnd Wollust an den Prelaten zuschelten/
warumb pflaget ihr dann selbst des Wollusts so fleissig bey
Leuweren zarten Fräuwlein / bey dem Wein / im Sauff / ohn
allen abbruch vnd casteyung des Leibs ? Warumb ist Lutherus
auch selbs so prächtig daher gezogen / sonderlich da er das letzte mal
gehn Eysleben ist kommen / vnd warumb hat er die Graffen von
Manßfeldt damals nicht abgemahnt vnd inen zuverstehen geben /
es gezime sich nicht / das man ihm mit hundert dreyzehen Pferden
entgegen zöge / so er Luther doch kein Fürst des Reichs war wie wol
andere Prelaten ? Also sieht man das es euch allein am vermögen
vnd reichen einkommen erwindt / sonst wurden jr den Catholischen
am Pracht wenig bevor geben / als mit der Lehr. Hat es aber gleich
wol vnder den Catholischen etliche Weltkinder / so hat es auch hiers
neben fromme Gottselige Priester / so mit Lehr vnd der That /
Keuschheit vnd Abstinenz sich Christo vnd den lieben Aposteln
nachzufolgen beflissen / solche vnder euch zu finden ein selzames
Vogel wäre.

Die 97. Frag.

Grosse Sünder die vom Irtsal zum Aposteln sindt kofften/
vnd den waren Glauben annamen / haben sich zu merckli-
cher besserung vnd zu büßfertigem Leben gewendt: Soll
es aber euch ein Ehr seyn / ob schon etwann etliche auß vnsern
Priestern zu euch fallen vnd verkehrt werden / so es doch mehress-
theils nur solche abtrinnige Mönchen vnd Pfaffen seind / die zuvor
stätigs ein üppigs fleischlichs leben geführt / vnd darob halbstarri-
ger weis Gottes vnd der Kirchen Lehr vnd Warnung verachtet
haben. Zu dem auch / dieweyl sie nicht darumb zu euch kehren / das
sie von den Wercken des Fleischs abstanden / sonder darmit sie fürs
baß ohn forcht vnd scheuw / vnder dem sehn des vers-
meyndten Ehestandes ohn alle Büßfertigkeit
im mütwillen des Fleischs mögen jr
Leben verzehren.

P ij

Die